

Ultrasound (Filipino)

Nasa edad (18 taong gulang pataas) | Impormasyon sa pasyente

Ang isang kopya ng kasulatang ito ay dapat ibigay sa pasyente / pamalit na tagapagpasya upang basahin nang mabuti at maglaan ng oras na magtanong ng anumang mga katanungan tungkol sa 'procedure'. Ang information sheet ng pasyente ay dapat isama sa medikal na rekord ng pasyente.



1. Ano ang isang 'ultrasound' at paano ito makakatulong sa akin /sa pasyente?

Sinusuri ng mga pag-scan ng ultrasound ang mga panloob na organo at nakakatulong ito upang masuri ang iba't ibang mga kondisyon. Ginagawa rin ito upang masuri ang sakit sa mga ugat.

Ang isang "ultrasound machine" ay binubuo ng isang "console" na naglalaman ng isang "computer", isang "display screen" at isang "transducer". Ang "transducer" ay isang maliit na aparato na hawak ng kamay na kahawig ng isang mikropono.

Ang mga larawan ng ultrasound ay ginagawa sa pamamagitan ng pagpasa ng mga 'ultrasonic (high frequency) sound waves' sa bahagi na ini-scan.

Ang 'ultrasound' ay hindi gumagamit ng 'x-ray'.




Image 1: Ultrasound.
Illustration Copyright © 2019 Nucleus Medical Media,
All rights reserved. www.nucleusmedicalmedia.com

Paghahanda para sa 'procedure'

Mayroong iba't ibang mga paghahanda na kinakailangan depende sa bahagi ng katawan na dadaanan ng scan. Ang medical imaging department ang magbibigay sa iyo ng mga tagubilin sa paghahandang gagawin mo para sa scan.

Kung mayroon ka ng isang maselang pagsusuri, isang pangalawang miyembro ng staff ay maaaring naroroon habang isinasagawa ang procedure.

Ang ultrasound ay isang walang sakit na 'procedure'. Walang kinakailangang anestesyia.

Habang isinasagawa ang 'procedure'

Ang mga ilaw sa silid ay didiliman upang ang mga larawan sa screen ay maaaring makita nang mas malinaw.

Isang gel ang ilalagay sa iyong balat sa bahagi na ii-scan. Pinapayagan ng gel ang 'transducer' na madaling dumulas sa balat at tumutulong na makaprodus ng mas malinaw na mga larawan. Ang 'transducer' ay gagalawin nang pabalik-balik at dahan-dahan sa bahagi ng interes hanggang sa ang bahagi ay ganap na masuri.

Kung ang pag-scan ay gagawin sa isang bahagi na malambot, maaari kang makaramdam ng presyur o banayad na kawalan ng ginhawa mula sa 'transducer'.

Maaari kang hilingin na pigilin ang iyong paghinga o gumulong sa iba't ibang posisyon sa panahon ng pag-scan.

Kapag nakumpleto na ang pag-scan, ang gel ay pupunasan sa iyong balat.

Ang 'ultrasound' ay tatagal sa pagitan ng 15 at 60 minuto. Ang tagal ng panahon ay nakasalalay sa bahagi ng katawan na dadaanan ng scan at sa uri ng pagsisiyasat na kinakailangan.



2. Ano ang mga panganib?

Walang mga kilalang panganib mula sa isang 'ultrasound'. Ito ay itinuturing na isang napakaligtas na 'procedure'.

Ano ang mga peligro kung hindi magkakaroon ng 'ultrasound'?

Maaaring may mga kahihinatnan kung pipiliin mong hindi dumaan sa iminungkahing 'procedure' / gamutan / pagsisiyasat / eksaminasyon. Mangyaring talakayin ang mga ito sa doktor / clinician.



3. Mayroon bang mga alternatibo?

Ang paggawa ng desisyon para sa procedure na ito ay nangangailangan na maintindihan ng pasyente/pamalit na tagapagpasya/ibang tao* ang mga nakalaang mapagpipilian. Pakitalakay ang alternatibo o pamalit na gamutang maaaring pagpilian sa doktor/clinician.



4. Ano ang dapat kong asahan pagkatapos ng 'procedure'?

Kakausapin ka ng iyong pangkat sa pangangalaga ng kalusugan (healthcare team) tungkol sa kung ano ang aasahan pagkatapos ng iyong 'procedure' at paglabas mula sa ospital.



5. Sino ang magsasagawa ng 'procedure'?

Isang doktor/clinician liban sa consultant/ specialist ang maaaring tumulong sa pagsagawa ng kaukulang klinikal na 'procedure'/gamutan/ imbestigasyon/eksaminasyon.

Ito ay maaaring doktor/clinician na sumasailalim sa karagdagang pagsasanay, subalit lahat ng mga nagsasanay ay pangangasiwaan batay sa mga nauugnay na propesyonal na patnubay.

Kung ikaw ay may mga pag-aalala sa kung sinong doktor/clinician ang magsasagawa ng procedure, pakitalakay ito sa doktor/clinician.



6. Saan ako maaaring kumuha ng suporta at karagdagang impormasyon?

Pangangalaga sa Ospital: bago, habang at pagkatapos ay makukuha mula sa "Queensland Health Website www.qld.gov.au/health/services/hospital-care/before-after kung saan mababasa ang iyong mga karapatan sa pag-aalaga ng iyong kalusugan.

May mga kawani na handang magbigay ng suporta sa mga pangkultura at pang-isperitwal na pangangailangan ng mga pasyente. Kung nais mo ng pangkultura at pang-isperitwal na suporta, mangyaring talakayin sa iyong doktor/ clinician.

Kinikilala ng Queensland Health na ang mga pasyente ng Aboriginal at Torres Strait Islander ay makakaranas ng pinakamahusay na klinikal na pangangalaga kung ang kanilang kultura ay kabilang sa proseso ng pagpapasya.



7. Mga Tanong

Mangyaring tanungin ang doktor/clinician kung hindi mo nauunawaan ang anumang aspeto sa information sheet ng pasyenteng ito o kung mayroon kang anumang mga katanungan kaugnay ng iyong/medikal na kundisyon, mga mapagpipiliang gamutan at mungkahing pamamaraan/gamutan/pagsisiyasat/ eksaminasyon.



8. Kontakin kami

Kung emerhensiya, tumawag sa Triple Zero (000).

Kung hindi naman emerhensiya, pero may alalahanin, kumontak sa 13 HEALTH (13 43 25 84), 24 na oras sa isang araw, 7 araw sa isang linggo.